

巡撫河南等處地方提督軍務兼理河道都察院右副都御史閻 爲

續修志書以存文獻事照得郡邑有志必信必
徵始足傳後其間博而不支簡而能盡彬彬大
雅主之可列于職方下之可藏于石室蓋有關
于政治者非淺也豫省當天下之中道里所均
諸聖先賢大半發跡于斯則軒輶所至未有不
訪其故實者而郡邑之志已三十餘年莫之增
修其爲遺漏者多矣又昔年修志止取備文未
加考訂或限以數目或所託非人本都院逐一

查閱府志如河南南陽縣志如宜陽河陰蘭陽
等志荒悖失倫莫可枚舉至于安陽汲縣潁彰
德衛輝兩府首邑竟無志書尤爲缺典今本都
院已將通省志書設局修正而各府州縣所送
續冊未能畫一又通志所載限于定格不能如
府州縣之詳則三十餘年所遺者十之六七自
此漸遠漸至凋殘文獻無徵何從取信矧此三
十年皆我

皇上生聚教養之所培育其戶口日增土田日闢文

治隆而風俗厚矣祥見而官民警安可不大書
特書以爲一代盛典哉擬合通行續修爲此牌
仰該縣官吏照牌事理卽延擇文學名儒熟知
典故長於史事者博採典章蒐羅遺軼其舊志
未載者一一補之舊志之外謠者悉改正之不
得以同名疑誤相沿不得以稗官小說攪入本
都院又恐各屬參差不齊未歸畫一將凡例開
明粘單于右悉照此爲規程若夫叙論之古雅
典茂俱屬才人之大筆在乎各自留心稿成先

錄草本呈送本都院披閱裁定其所費紙張工
料項量力捐資慎勿絲毫派之民間諒此不朽
之盛舉可指日觀成也速速須至牌者

右牌仰上蔡縣准此

康熙二十九年七月

日

上蔡縣志凡例

志書之取簡潔嚴明尚已然縣志必詳於府府志
必詳於省至一統志較省而加畧上蔡舊志久
亡至順治己亥始以數人臆說草創一書遺漏
殘缺不稱信史余特擇邑諸紳衿較讐採訪將
十閱月而書成雖僻地少所考證較前書稍詳
蔡邑山川城郭皆循舊也其所謂古蹟風俗可因
者因當革者革非理者不得入而爲之留順理
者亦必進而登諸古如庀廟書臺漆雕墓之類

有關 聖教雖久經淹沒必竭力表彰

考上蔡自晉以前俱屬汝南郡劉宋元嘉中僞立
司州於懸瓠城其故城在今上蔡黃埠之東汝
陽金鄉舖之西至今栗洲在焉元魏改上蔡曰
臨汝而移上蔡於懸瓠隋大業間復臨汝爲上
蔡復移汝陽於懸瓠唐以後改爲蔡州于是懸
瓠蔡州之事卽汝陽上蔡之事矣凡經載入汝
陽志者不敢更入蔡志

汝河洪河潁水諸道皆非昔日史冊所載之故道

余細爲考訂竊歷河源更訪諸故老尋其舊蹟
悉載志內令後人知衝決補葺有所嚮往不徒
爲紙上之談以塞責目前爲幸也

蔡地平衍形處窪下洪汝兩河一遇西山水發波
濤數十丈高出河身雖有隄防亦不能砥所恃
者平素深溝溝洫分散其勢使其無所留滯建
甌直下居民稍得聚處故於山川之後更立溝
洫一志詳載閭閻縣水道後之君子讀此志而循
故道歲爲修濬蔡人有厚望焉

余初蒞上蔡自上任以至祭享等例大小禮儀皆
違古法心甚駭愕詢諸紳衿皆言兵燹之後文
獻無徵禮崩樂壞久矣于是考諸律例叅之會
典成帙入志庶幾按籍而求不致十分錯謬今
其家論戶曉知所適從

賦役在康熙二十年以前者文卷焚毀無存自二
十年以後爲準

里甲一縣之綱目也向大小多寡鄉里不均今特
酌定地畝數目道塗遠近戶口繁簡聚三十六

里鄉長者舊從公會議編定界限各畫一圖備
載四至刊入志內毋使紊亂令其相友相助亦
正經界之一端也

學宮書院皆教養士子之地學宮雖有而頽敗不
堪書院僅存其名已無片瓦今學宮舊者既爲
鼎新書院復改置西城內余五載辛勤凡學宮
之祭器樂器及書院之義田院內之器皿永遠
之條約俱載志內不厭鄙俚恐世遠年湮無從
稽考也

上蔡雖爲古國實久戰之地蔡仲分封以後晉楚
加兵本無寧處民性相習逞兇遂至流而爲盜
如劉銀馬殷蔡宗樞之類是也查舊志原有災
祥一志余遂著編年備述水旱兵凶之事使監
古者亦足以警今云

名宦鄉賢流寓列女皆入人物凡從前在蔡州者
不敢強爲牽引今據父老所傳舊志所載酌而
錄之以存千古

藝文缺畧已甚其俚俗者又不堪選爲傳書第據

其指昔所存并現今所錄爾雅純粹分類成帙
以足經國大業不朽盛事云

志以示信凡從前以諱傳訛者雖載在史冊亦必
爲之校正如郡縣舊志載翟方進墓在華陵鎮
土人相傳亦以翟方進墓去先賢漆雕開墓不
數武指賢塚前土堆卽爲方進塚前任郎令因
建二賢祠且作文以記其事余初雅素謁漆雕
子墓竊疑漢去周末遠何以方進身爲丞相歿
後賜葬先賢塚前也及讀漢書翟方進傳其塚

在汝南後因翟義起兵討王莽兵敗莽令發方
進及其先祖塚之在汝南者燒其棺槨爇及三
族誅及種類皆同坑以棘五毒并葬之則是方
進墓原未嘗在華陰漆雕墓前也今特拈出以
正傳聞之訛非敢妄翻前人之案至於五女塚
先女塚白雲洞之類未必非屬訛傳第證據未
確不敢遽刪姑存之以俟後之君子考訂焉

鼎陵楊廷望謹識

志姓氏

總裁

巡撫河南等處地方提督軍務兼理河道都察院右副都御史加四級
梅公遼東籍宣府人癸卯

巡撫山東等處提督軍務兼理河道都察院右副都御史加三級
伊在順天大興籍江南長洲人癸丑

提調

河南等處承宣布政使司布政使加九級
李國亮 朗菴奉天人壬子

河南等處提刑按察使司按察使加八級
胡介祉 茨村順天大興人廕生

分守開歸河道管理通省驛鹽糧儲布政使司叅政加四級
祖文明 奎嶽遼東人

分巡南汝道按察使司僉事
袁壽 廣菴浙江會稽人廕貢

提督河南通省學政按察使司僉事張潤民 敬齋山西夏縣人丁未

巡理河南通省河道提刑按察使司僉事加四級俞森 存齋浙江錢塘人貢監

巡理河南通省河道提刑按察使司僉事加五級周銓元 衡山遼東人

督理

汝寧府知府加一級何顯祖 邁公奉天義州人廕生

纂修

上蔡縣知縣楊鑒 疏如江南崑山籍武進人例監

同修

儒學訓導諭韓果 若水河南密縣人歲貢
李篤篤 公河南杞縣人歲貢

原任成都府資縣知縣張沐

仲誠邑人戊戌

貢生

張

邑人

廩膳生員張梯

邑人

朱日

邑人

王官鳳

邑人

賈琛

邑人

馬冠祥

邑人

張端

邑人

年

月

日

時

刻

分

秒

叙

治邑如治家然筐篚筴米鹽雜細皆有籍記所以
考按而知其多少則婢隸無所容其蠶邑鉅矣土田
戶口財賦丁徭川原林麓所聚關梁非直如筐篚
筴米鹽雜細已也少不指意而度精心其爲民生毒
有不可勝言者甚而屏梁之未禍延兩國腥腹之墟
亂階數世藉第令有方幅之罔歸而視諸故府豈有
此患乎故夫邑志者是亦長吏治家之籍記也竝如
楊明府曠世才也一門伯仲俱列清班明府奉太公